

大清仁宗睿皇帝實錄

大清仁宗受天興運敷化綏猷宗文經武孝恭
勤儉端敏英哲睿皇帝實錄卷之四十九

監修總裁官經筵日講起居注官太子太傅武英殿大學士文淵閣領閣事稽察欽奉 上諭事件處管理工部事務翰林院掌院學士隨帶加三

級尋常加四級臣曹振鏞總裁官太子太保文淵閣大學士管理刑部事務加五級臣戴均元經筵日講起居注官太子太保內大臣文淵閣撰

修副總裁官太子太保禮部尚書工部尚書翰林院掌院學士散習庶吉士總管內務府大臣鍾黃旗滿洲都統步軍統領

管理戶部主庫奉宸苑清漪園等處總理工程處御茶膳房御藥房太醫院西洋堂事務軍功加三級隨帶加二級尋常加三級紀錄二十

次臣英和經筵講官太子太保禮部尚書工部尚書行武英殿總裁管理園子監事務加六級隨帶加二級紀錄四次臣汪廷珍等奉

敕修

嘉慶四年己未七月壬申諭內閣據王大臣

等合詞奏稱奉移

士中儲內閣蘇王大臣

高宗純皇帝梓宮時請朕勉循舊制仍步送至

景山東門一摺固屬臣下悃忱但朕受

皇考教育之恩至為深重將來奉移

梓宮時惟有躬親步送庶幾稍申哀慕之誠且

自念精力方強不但步送至朝陽門即於途

間

梓宮每次換班時朕下馬跪候亦力所能任今

王大臣等請朕祇送至景山東門而止於心

實有所不忍惟念從前

世宗憲皇帝

高宗純皇帝兩次恭送

梓宮俱有舊制朕亦不敢過禮而僅送至景山

東門實不足以展朕哀情此次奉移

皇考梓宮朕當步行出皇城至東安門外階下

跪送以盡追慕無窮之意王大臣等不得再

行瀆請如必欲懇朕祇送至景山東門則是

王大臣等不能曲體朕心仍當堅執初志步

送至朝陽門也。○諭軍機大臣等。勒保自任
經畧以來。已及半載。於勦辦賊匪機宜。總未
通盤籌畫。惟知安坐達州。毫無調度。僅將各
路軍營所報情形。敷衍入奏。前據倭什布奏。
川省賊匪闖入楚省邊界。係前月二十四日
拜發。至今已二十餘日。並未據勒保奏及此
高事。茲又據倭什布奏。李淑等股賊匪。屯聚竹
山。竹谿房縣交界處所。倭什布督率將弁。悉
力堵禦。賊匪直撲副將孫清元營盤。意欲北

趨襄陽一帶。經倭什布派兵堵截。賊匪又復折回。乘夜圍撲倭什布營盤。被官兵擊退。始向西南奔竄。而李淑後股賊匪。尚屯泉河一帶。又有羅半年一股。亦接踵入楚。為數不下二萬。現經倭什布飛咨勒保。速派官兵赴楚協剿。可見楚省並無川省派往之兵。勒保於事先既未能豫為防範。縱令羣賊擾及楚境。迨賊已入楚。又不星速派兵前往會擊。並未將如何籌辦。派何人前往會剿之處。先行馳

奏竟置楚省之賊於不問。又安用此經畧為耶。且現在藍號白號賊匪俱已竄入川北地界。亦未聞勒保派兵堵截。是勒保竟係擇一無賊處所紮營株守。直與木偶無異。不料勒保辜負委任。一至於此。前因官軍勦捕日久。恐致疲乏。節經詢問勒保。應否添調官兵。勒保以無庸添兵覆奏。復經降旨詳悉開導。諭以不可迴護前奏。致誤事機。勒保仍堅執前說。不必添兵。朕早料其不足倚仗。已豫調山

西兵三千。盛京兵二千。前往接濟。今楚省之賊多至二萬。而倭什布一路官兵不過三千。有餘則勒保節次所奏不必添兵之說是誠何心。種種玩誤。上負

皇考及朕簡用之恩。此而不加懲治。軍紀安在。勒保著革職。拏問。所有經畧事務。著明亮接辦。並授為正紅旗漢軍都統。其四川總督員缺。著魁倫署理。並派乾清門侍衛春寧。安福。色玉慎。傳陞。一同馳驛。前赴明亮軍營。著魁

倫親齋此旨。前往宣讀。明亮接奉此旨。將勦辦張漢潮事務。交付慶成。永保。即同魁倫。前赴達州軍營。傳旨將勒保革職拏問。即將以上指出各情節。嚴訊勒保。定擬具奏。並查明由大寧闌入楚境之賊。本係何人追勦。何以並不上緊趕截。縱令入楚。一經查實。即將此路帶兵之員。革職拏問。不可稍有瞻徇。將此各諭知之。○癸酉。諭軍機大臣等。台布奏安南國王遣使具表進香。遵旨。即令貢使齋回。

儀物將表文二封進呈。所辦是朕披閱該國
王表文情詞哀切。具見悃忱。茲發去安南國
王勅諭一道。著該撫派員齎至鎮南關交鎮
目轉遞該國王祇領。將此諭令知之。○命大
學士慶桂署吏部尚書。無庸總理刑部。○以
禮部右侍郎文寧兼鑲黃旗蒙古副都統。○
撫卹湖南永順府被水災民。並賞因公淹斃
知縣劉毓瓊同知銜。照例議卹。○甲戌。

上詣

大高殿行禮

時應宮拈香。諭內閣據費淳奏。審擬已革知縣甄輔廷。擅責生員吳三新一摺。前因此案奏到時。朕以該縣因錢債細事。擅責生員。其中顯有別故。是以降旨將甄輔廷革職。專交費淳審辦。嗣經有人叅奏。此案皆係同知李焜濫拏生員。酷刑拷訊。以致士論不服。物議沸騰。費淳身任總督。近在江寧。豈有不知之理。既奉旨審辦。自應將案內緊要情節。及

審辦不妥釀成事端之劣員一併查明據實
參奏方足以肅吏治而儆官邪今乃就案數
衍祇請將吳三新及已革生員朱光勲等二
十一名開復衣頂希圖將就了事而於該同
知李焜肆意濫刑及宜興平恕種種辦理失
當之處並無一字提及實屬瞻徇含混深蹈
外省惡習費淳著交部議處○又諭策拔克
奏遞送公事之蒙古兵丁袞布隆河淹斃其
家屬請賞給一九牲畜以資養贍等語所辦

尚是。即著在彼處存公罰文牲畜項內。動撥
一九賞給袞布妻子。以為養贍。並著為令。嗣
後儻有似此。因公身斃者。即照此賞給。以示
朕體恤蒙古之至意。○乙亥。

上詣觀德殿

几筵前供奠。○諭內閣。勒保查奏景安參奏廣
福一案。景安因廣福直言稟阻。即行詈罵。已
失待屬員之體。又復參奏枷號。併請事竣充
發。實屬任性妄為。然此猶過之小者。景安之

大罪在前任河南巡撫時。於賊匪由鍾祥竄至豫省。縱令逃逸。以致永保亦因此獲譴。蔓延數省。至今未能殄滅。是其恒怯畏賊。捏報邀功。種種玩誤之處。為罪甚重。景安著革去伯爵。發往伊犁。自備資斧。交保寧差遣効力贖罪。廣福因糧臺鄉勇營中夜驚。施放鎗礮。並無鎗子飛及景安營中之事。景安亦已供明。但在景安前咆哮頂撞。究屬不合。廣福著降授遊擊職銜。前赴明亮軍營効用。又據另

片奏烏爾呼納向在軍營本不出力。嗣因病留養興安後。逗遛一年之久。並不到營。現在傳到詢問。見其面無病容。情殊可惡。勒保僅請將該員革去頭等侍衛。作為披甲。留營効力。未免輕縱。烏爾呼納亦著革職。發往伊犁。自備資斧。効力贖罪。○諭軍機大臣等。前此入楚各股賊匪。不知是川省何兵追躡。曾經降旨詢問。今閱勒保摺。始有七十五德英額。呂朝龍三人。并派廣東兵九百名。在交界堵

截之語。此節最關緊要。若係勒保派往時。即諭令及境而止。不必入楚。則是勒保惟知有川。不知有楚。經略之謂何。若七十五等三人畏賊退怯。竟以翻入老林。誑報經略。則伊三人之罪更不可逭。勒保曾否諭令三人入楚。協勦。亦須明白訊問具奏。其另摺覆奏賊匪各色稱號。賊黨忽分忽合。各立號記。而何賊與何股合夥。現竄何地。勒保未能深知。所查多未確實。在勒保之意。總欲迴護。從前不肯

添兵之奏。故以賊匪股數無多。藉詞支飾。此猶係勒保捏奏小節。至賊匪有減無增一語。實屬有心欺罔。試思各股賊匪蔓延數省。陝省之平利。楚省之竹山。竹谿。房縣。到處被賊蹂躪。裹脅日多。據倭什布奏。入楚之賊已二萬人。勒保身為經略。各路皆係管轄。豈得以川匪竄入楚陝。即謂有減無增耶。勒保以此狡詞迴護。實屬喪心病狂。最重之罪。實在於此。明亮應將此一節。會同魁倫。向勒保嚴切